



Inatsisartunut ilaasortaq Aleqa Hammond  
Siumut, maani

**§ 36 stk. 1, nr. 2010-37 ALHA:**

**Suli Naalakkersuisut isumaqarpat nunatsinni kræftertut suliaritinnissaminut utaqqitinnerqarneq ajortut aammalu suliaritinnissamut ullut utaqqiffiusut ikinnerpaaffilerneqarnissaat pisariaqanngitsoq?**

18. februar 2010  
Sagsnr. 2010-025782  
Dok. Nr. 313446

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@gh.gl  
www.nanoq.gl

Inatsisartunut ilaasortaq apeqquteqarneranut qutsavigaara.

Peqqinnissaqarfiup neqeroorutaasa kræftertunut tamakkiisumik iluaqutaannginneri tusa-gassiorfinni saqqummiunneqaraangata attortittarpunga. Taamaattumik napparsimasut passunneqarnerisa ingerlasarneri aalajangersimasut piffissami kingullermi tusagassiorfinni eqqartorneqartunut atatillugu taaneqartut pillugit misissuineq aallartinneqarpoq.

Naalakkersuisut kræfteqarnermut suliaritinnissamut atatillugu utaqqisarnerup sivisunerpaaffilerneqarnissaa nunalu tamakkerlugu kræfti pillugu pilersaarummut atatillugu 2009-mi Inatsisartut Ukiakkut ataatsimiinneranni ilaatigut oqaatigaat: "Kræftimik nappaateqarnermik pasitsaassisoqartillugu passussinissamut Nunatsinni massakkut utaqqisoqartarneranik oqartoqarsinnaanngilaq. Pasitsaassisoqarsimatillugu napparsimasut Dronning Ingridip Napparsimmavissuani paasiniagassanngorlugit ingerlateqqinneqartarput. Taamaattumik ataatsimut isigalugu pasitsaassisoqarneraniit paasisaqartoqarnissaata tungaanut piffissaq atorineqartartoq Nunatsinni Danmarkimiit sivisunerunngilaq".

Aammattaaq Naalakkersuisut oqaatigaat " Naalakkersuisunut pingaaruteqarluinnarpoq kræftip nassaarineqartarnissaata katsorsarneqartarnissaatalu sukumiisumik qulakkeerneqarnissaannut peqataanissaq, kiisalu kræftertut ataasiakkaat katsorsartinnerup kingornatigut kræftimik katsorsartinnerup timikkut tarnikkullu sunniutaasa malinnaaffigineqarnissaasa katsorsartinnissaasalu qulakkeerneqarnissaat. Naalakkersuisut aamma pingaartippaat kræftertut ataasiakkaat nappaammik suussusersiniarneqarnera katsorsarneqarnertillu ataqatigiissutut toqqissisimanartutullu misigisimassagaat."

Naalakkersuisut suli taama isumaqarput.

Aamma kræfteqarnermut tunngasuni siunissaq ungasinnerusoq eqqarsaatigalugu periusissalioqataanissaq Naalakkersuisut suli akuersaartorujussuuat, kiisalu kræfteqarneq pillugu misissuisarnerup suliarinninnissamullu sivisunerpaaffiliinissamik isuma ajattornagu, sulili isumaqarlutik taamatut sivisunerpaaffiliisoqarsinnaanngitsoq kræfteqarneq pillugu sukumiisumik misissueqqissaartoqartinnagu, pinaveersaartitsinermik suliniuteqarnermit, siusissukkat paasisaqarnermut, katsorsaanermut katsorsareernermilu ingerlaqqinnermut, kiisalu sivisunerpaaffiliisinnaaneq kræfteqarneq pillugu ataatsimut peri-

useqarnermik taamaalillunilu nuna tamakkerlugu kræfti pillugu pilersaarummik tunuli-  
aqutaqartariaqartoq.

Nuna tamakkerlugu kræfti pillugu pilersaarummik suliaqarnissaq Naalackersuisunut suli-  
akkiutigineqareerpoq, tassami Inatsisartut 2009-mi ukiakkut ataatsimiinnermi isumaqati-  
giillutik Naalackersuisut piaartumik Kalaallit Nunaanni kræfteqalernerup tamatumalu  
ineriartornera pillugu aaqqissugaasumik misissuineramik aallartitsinissaat isumaqatigim-  
massuk, tamanna piffissami qinigaaffiusumi matumani aallartinneqartussamik nuna ta-  
makkerlugu kræfti pillugu pilersaarummut tapertaaniassammat iluarsissutaaniassam-  
mallu.

Tamatumunnga atatillugu peqqusisoqarpoq Naalackersuisut kingusinnerpaamik 2011-  
mi ukiakkut ataatsimiinnermi allakkatigut nassuiaateqarlutik misissuinissamik isumaliuti-  
gineqartunut tunngavissanik saqqummiussissasut.

Inussiarnersumik inuulluaqqusilluta

Agathe Fontain